

遼北部之遺址，或爲當時官署所在地。在窮阿薩之後，尙有一圍墻，基址範圍甚大，東自克齊克阿薩一并包括在內，是此地與克齊克阿薩爲同一時代之遺址。最可注意者，在窮阿薩之北，不及一里，有古道一，車迹猶存，本地居民呼爲『北京郵路』，據說此道爲從前內地通西域之古道。又云：『沿大道均有古時土墩，形成一線。東自哈密，過十三間房至得格爾轉西至窮阿薩畢占土拉、阿薩土拉，與托克遜之屋威梯木相接』。畢占土拉以西之土墩及古道，上文已述及。得格爾亦有一古時土墩，此次亦曾查勘明白。據此，則此道或爲漢唐以來通西域之大道。蓋魯克沁東爲大沙漠區域，余已考證此砂磧，卽唐之大沙海，宋之大患鬼魅磧。唐玄奘由伊吾涉行南磧，至高昌，王延德使高昌經行大患鬼魅磧，卽此。雖窮阿薩在魯克沁西南，爲玄奘、王延德所不經，但彼等係到高昌，故西北行，若至焉耆，則直西行，唐稱爲銀山道，郭孝恪攻焉耆，曾取道於此。在此地勘查完後，乃轉至得格爾，作羅布淖爾旅行之準備矣。